

UNIVERZITET U TUZLI
Ul. Dr. Tihomila Markovića br. 1
Broj: 01-171-JN-8/23
Tuzla, 29.01.2024. godine

Na osnovu člana 69. stav (2) tačka d) i člana 70. stav (4) Zakona o javnim nabavkama BiH («Službeni glasnik BiH» broj: 39/14 i 59/22) te člana 64. stav (1) tačka r. Statuta JU Univerziteta u Tuzli - prečišćeni tekst, po punomoći Rektora Univerziteta u Tuzli broj: 01-6663-1/23 od 14.11.2023. godine, v.d. Direktor za ekonomske poslove *donio je*

O D L U K U

o poništenju postupka javne nabavke

I

Poništava se Otvoreni postupak javne nabavke usluga sukcesivnog održavanja objekata Univerziteta u Tuzli u 2024. godini iz razloga što jedina dostavljena ponuda nije prihvatljiva.

II

Ova Odluka se dostavlja ponuđaču koji je učestvao u ovom postupku javne nabavke.

III

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem Odluke ponuđaču koji je učestvao u ovom postupku javne nabavke u skladu sa članom 70. stav (6) Zakona o javnim nabavkama.

Obrazloženje

Univerzitet u Tuzli pokrenuo je postupak javne nabavke usluga sukcesivnog održavanja objekata Univerziteta u Tuzli u 2024. godine, putem Otvorenog postupka javne nabavke broj: 01-171-JN-2/23 od 16.11.2023. godine, a sažetak u „Službenim novinama BiH” broj: 1/24 od 05.01.2024. godine i WEB stranici Univerziteta.

Komisija za javne nabavke je Zapisnikom o pregledu i ocjeni ponuda konstatovala da je u roku utvrđenom obavještenjem i tenderskom dokumentacijom dostavljena jedna (1) ponuda, i to ponuda ponuđača „INTERART“ d.o.o. Tuzla, te je izvršeno javno otvaranje ponuda što je konstатовano Zapisnikom sa otvaranja ponuda broj: 01-171-JN-6/23 od 19.01.2023. godine.

Komisija za javne nabavke je, na zatvorenoj sjednici, izvršila pregled i analizu dokumentacije priložene uz ponudu, u smislu njene validnosti u odnosu na postavljene uslove i zahtjeve iz tenderske dokumentacije.

Uvidom u pristiglu ponudu ponuđača „INTERART“ d.o.o. Tuzla Komisija je konstatovala da ponuđač nije dostavio Obrazac za cijenu ponude ispravno popunjen i u skladu sa zahtjevima iz Tenderske dokumentacije, kao ni sve dokaze na osnovu kojih će se vršiti ocjena tehničke i profesionalne sposobnosti ponuđača.

Komisija je konstatovala da je ponuđač u sastavu svoje ponude na strani 6 do 25 dostavio Obrazac za cijenu ponude, popunjen i ovjeren, ali da nedostaje jedna stranica Obrasca sa cijenama koja sa odnosi na instalacije centralnog grijanja za stavke pod rednim brojem 7 do 16 i gdje se upisuje ukupan zbir instalacija centralnog grijanja. Umjesto te stranice ponuđač je dostavio prazan papir na strani 22 svoje ponude koji je u desnom donjem uglu potpisan i ovjeren pečatom ponuđača. Obzirom da Obrazac za cijenu ponude nije dostavljen u skladu sa datom formom obrasca i ne sadrži jedinične cijene i ukupan iznos za stavke 7, 8,9,10,11,12,13,14,15 i 16, kao ni ukupan zbir svih stavki u dijelu XV Obrasca koji se odnosi na Instalacije centralnog grijanja, ponuda ovog ponuđača ocijenjena je napravnim.

Daljim pregledom ponude ponuđača „INTERART“ d.o.o. Tuzla utvrđeno je da je ponuđač u sastavu svoje ponude na strani od 46 do 57 dostavio Ugovore o angažovanju lica na izvršenju posla, na način kako je traženo tačkom 3.5.2. Tenderske dokumentacije. Međutim, na strani 46 ponude ponuđač je dostavio Ugovor o obavljanju privremenih i povremenih poslova na sukcesivnom održavanju objekata

Univerziteta u Tuzli za period do 31.12.2024. godine koji nije valjan jer je isto lice potpisnik Ugovora i na strani Izvršioca i na strani Naručioca posla. Komisija za javne nabavke smatra da se takav ugovor ne može prihvatiti kao dokaz tehničke i profesionalne sposobnosti ponuđača, zbog čega je ponuda ponuđača ocijenjena kao neprihvatljiva.

Slijedom navedenog Komisija za javne nabavke ocijenila je ovu ponudu neprihvatljivom i nepravilnom, te je jednoglasno predložila v.d Direktor-a za ekonomske poslove da donese Odluku o poništenju postupka javne nabavke usluga sukcesivnog održavanja objekata Univerziteta u Tuzli u 2024. godine iz razloga što zaprimljena ponuda nije prihvatljiva, u skladu sa članom 69. stav (2) tačka d) Zakona o javnim nabavkama.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, v.d. Direktor-a za ekonomske poslove Univerziteta odlučio je kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.



v.d. DIREKTOR
ZA EKONOMSKE POSLOVE

Dr.sc. Azira Osmanović, dipl.oec

DOSTAVITI:

- 1x učesniku
- 1x WEB portal
- 1x a/a